



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

§. 4. Avitus argutiis suis captus convincitur ipse Eutichianorum adjutor.

urn:nbn:de:hbz:466:1-39351

*Avitus Academicus Homiliæ S. S. D.
Clementis criminator argutijs suis
captus, convincitur ipse Euti-
chianorum esse adjutor.*

*Audi jam parumper ineruditâ temeritate
quantum veros adjuves Manichæos (Euti-
chianos) Aug. l. i. cont. Jul. c. 8.*

Postquam gloriosissimus Pelagianorum De-
bellator solaribus radiis convictum dederat
Julianum, cum qualibus, quantisque Ecclesiæ Ca-
tholicæ Defensoribus Manichæorum insaniam
jungeretur & criminationis inanem pateretur in-
vidiam, turgidum illum Goliathum velut alter
David proprijs jugulavit armis, ostendens qua-
liter Catholicis objectos ipse Manichæos Julia-
nus argumentis adjuvaret. Gemella id ratio
postulat, ut hunc certaminis ordinem servem.
Cumque ostensum clareat cum quibus, & quantis
Ecclesiæ Doctoribus SS. Clementis Homilia
Eutichianæ hæreseos sustineat opprobrium, per
invidiosam Aviti Academici Crisin; nunc palam
fiat, quod inciderit in foveam, quam fecit, dum
nil benignæ Interpretationis Homiliæ præme-
moratæ indulgum voluit. Nam ut ipse Periodum
Clementinam in suo sensu acceptam ad Euti-
chianos ablegavit, ita Eutichiani parili Jure Sa-
cra Scripturæ ac SS. Patrum effata in suum Pa-
trocinium advocabunt.

Eutichetis quidem vesaniam, Propheticis,
Evangelicis, atque Apostolicis eloquijs elidi ac
eludi posse non inficior. At si crassô intellectu
fen-

sententiæ eorum, & quidem ab aliis sejunctæ ac avulsæ spectentur, & fas sit obscuriora lucidioribus anteferre; non erit, qui Eutichianos statione ejiciat; non erit, qui triumphet unâ alterâve divinæ scripturæ voce protectos, ac Sanctorum Patrum securius olim loquentium Auctoritate communitos.

Ex Evangelicis, Apostolicisque vocibus Classicum insonantes audio Eutichianos: *verbum caro factum est. Numquam Dominum Gloriæ crucifixissent. Qui cum in formâ Dei esset, semetipsum exinanivit formam servi accipiens.* Igitur post Incarnationem una tantum natura permansit? Quid ad has Periodos Sacras Catholici responderunt? nunquid per alias expositas voluerunt, quæ utriusque naturæ integritatem inferebant. At si cum Avito arguendum erat, sicut ipse Periodum unam SS. Clementis per aliam abnuit explanatam; in allatis Scripturæ Testimoniis velut inconcussis propugnaculis persistent Eutichiani. Si S. Leo Euticheti respondeat: *Formam servi sine suæ detrimento Majestatis accepit, ut nos in suâ probeheret, non ipse in nostrâ deficeret.* Reponet Eutiches: plus est, quod Evangelista dicit: *Verbum caro factum est.* Plus est, quod Dominum gloriæ pronuntiat Crucifixum. Plus insinuat Apostolus: *De filio suo qui natus est ei secundum carnem.* Plus est: *semetipsum exinanivit:* Quemadmodum dum legimus aquam factam Vinum in Canâ Galilææ.

Si S. idem Pontifex Euticheti exprobet, quod ipsius Symboli initia non capiat; regeret ille à Symbolo hanc Periodum, & in Jesum Christum Filium ejus unicum Dominum nostrum, qui conceptus est de Spiritu Sancto; ut inferat Deum esse conceptum. Et ut duas antè adunationem naturas exstitisse concludat, ex altero Symbolo pro-

N n

pro-

562 EXCURSUS CONTRA

proferat telum alterum : Qui propter nos homines
& propter nostram salutem descendit de Cælis.

Rursùm si Ruspensis Antistes Eutichianis repo-
nat : Quid est ista Unigeniti exinanitio, nisi accepta
passibilis & mortalis humanitas Christi? Eutichiani
minimè acquiescent, sed regerent : plus est exina-
niri, quàm alteri licèt inferiori adunari : cum &
anima corpori adunata non sit ideò exinanita.
Quod si Periodus Clementina Catholicum sen-
sum non patiat, in promptu aderit Eutichianis
Ambrosius: Tunc secundùm carnem homo, nunc PER
OMNIA DEUS. An non victi Eutichiani victores
erunt, & damnata eorum hæresis in veritatem
migrabit, si uni Scripturæ Testimonio, aliis ne-
glectis, & quæ lucem adferant, præteritis, fas sit
carnali sensui adhærere? Cernis, Avite, quò te
argutiunculæ tuæ avehant, quæ damnatissimis
Catholicæ fidei hostibus arma suppeditent? Cernis
quantùm Eutichianos adjuves, dum SS.
D. Clementem Papam Eutichianorum Choro
accensere niteris? Placetne tibi jam mutare sen-
tentiam, quam non favendo, sed quid loquaris nes-
ciendo, ad adjuvandam pestilentiam Manicheorum
(dico ego Eutichianorum) protulisti?

S. Aug. l. 1.
cont. Iul.
cap. 8.



§. 5. Sanct.